

kikundi cha umri

10-15



Hebu
tutumie

kondomu




Kondomu inaweza kuzuia mimba na kukuinga wewe na mwenza wako dhidi ya maambukizi ya magonjwa yatokanayo na ngono (STIs) ikiwemo VVU. Ni pale tu utakapotumia kondomu kwa usahihi kita ufanyapo tendo la ngono.

Kutumia kondomu ni jambo ambalo wewe na mwenzi wako mnahitaji kulizungumza kabla ya kufanya tendo la ngono, Taarifa hii itakusaidia. Hakuna haraka katika kufanya ngono, ni jambo jema kusubiri hadi kufikia umri muafaka. Ona kipeperushi “Kukua,na kufikiria ngono”.

Lakini ikiwa unadhani kuwa uko tayari, basi tumia kondomu kwa usahihi kila ufanyapo tendo la ngono.


KONDOMU ni nini?

Kuna aina mbili za Kondomu:



Kondomu za Kiume – Hizi zimetengenezwa na aina fulani ya mpira au plastiki nyembamba – hii huvishwa kwenye uume iliyodinda kabla hujafanya ngono.






Kondomu za kike –
Zimetengenezwa kwa
plastiki – nazo huingizwa
ndani ya uke kabla ya
kufanya ngono.

Kondomu ni rahisi kuzitumia, na salama kiafya.
Zikitumiwa kisahihi, kondomu hudhibiti majimaji, pamoja
na shahawa na majimaji ya ukeni, kugusana na uume,
uke, au mdomo.

Mambo unayopaswa kuyajua



- ▲ Kondomu yako ipate toka mahali ambapo hapafikiwi na jua.
- ▲ Hakikisha pakiti yako ya kondomu haijafunguliwa wala kuchanika.
- ▲ Hakiki tarehe ya muda wa matumizi nje ya pakiti ya kondomu na tumia kama muda wake wa matumizi haujamalizika au kufikia kikomo.
- ▲ Endapo kondomu inanata kidoleni kama gundi, itupe.



- ▲ Kondomu za Kiume huja za saizi tofauti tofauti. Kama inapwaya, jaribu ndogo.
- ▲ Tumia vilainishi vimiminika kuzuia kondomu kuchanika, na hufanya tendo la ngono kuwa na starehe zaidi, Usitumie vilainishi vya mkono, au mafuta mgando.
- ▲ Tumia kondomu mpya kwa kila tendo la ngono.
- ▲ Tumia Kondomu moja tu wakati.


Jinsi ya kuivaa kondomu ya kiume

1. Usiwe na haraka! Subiri hadi uume uwe umedinda, na wote mko tayari.
2. Kuwa mwangalifu usichane kondomu wakati wa kufungua pakiti.
3. Hakikisha chuchu ya kondomu inaangalia juu: na mkunjuo uko kwa nje.
4. Weka kondomu kwenye kichwa cha uume. Shika, na bonyeza chuchu ya kondomu kwa kidole na gumba kuondoa hewa.
5. Ukiwa bado umeshikilia chuchu ya kondomu, tumia mkono taratibu ukivirigua kondom kwenye uume. Fanya hivyo kabla uume haujagusana na uke.



Baada ya tendo la ngono

1. Wakati uume bado umedinda, shika kwa nguvu ukingo wa kondomu kwenye shina la uume na kisha, uvue toka kwenye uume. Fanya tendo hili polepole kuepuka kumwaga shahawa.
2. Ivue, ivirige ifungashe, kisha kaitupe mahali salama.



Je kuna maswali?


Kuulizia kondomu ni ujasiri. Inaonesha kuwa unafikiria afya yako, na afya ya mwenza wako pia. Ukijihisi aibu kuulizia kondomu, jaribu kutafuta vituo rafiki kwa vijana, au vituo ambako hawatakuhukumu.

“Ninajihisi aibu kuulizia kondom. Watu wanaweza kufikiri kuwa umri wangu bado hauniruhusu kufanya ngono.”

“Rafiki yangu wa kiume hataki kutumia kondomu. Je nitamshawishi vipi?”

Ni vigumu sana kuendelea na msimamo wako wa kutumia kondomu ikiwa mwenza wako hataki kutumia kondomu. Ongea naye, na uwe muwazi kwake kwa nini umeamua kutumia kondomu. Endapo atakuwa bado hataki kutumia, itakubidi kutoa maamuzi

yako, aidha kutofanya ngono kabisa, au kusubiri hadi atakapobadili msimamo na kuwa tayari kutumia kondomu. Kufanya ngono bila kutumia kondomu kunaweza kubadili mwelekeo wa maisha yako ya baadae. Ni mwili wako, na unafanya jambo sahihi kulinda afya yako.




“Nina Virusi
Vya Ukimwi sina
UKIMWI. Ninafuatilia
kwa ufasaha tiba
yangu, na pia ninajihisi
mwenye afya. Je,
ninahitajika kutumia
kondomu?”

Ndio. Kiwango cha
UKIMWI katika damu yako
kinatofautiana, kwa hiyo
unaweza kumwambukiza
mwenzi wako. Lakini pia
kuna hatari ya wewe kupata
tena UKIMWI. Kondomu
inaweza kuwalinda ninyi
wote dhidi ya Magonjwa
mengine yatokanayo na
ngono (magonjwa ya ngono),
lakini pia kuingwa kupata
mimba.



“Je kondomu
ikipasuka?”

Wote wawili nendeni
kwenye kituo cha
afya. Ombeni mpimwe
magonjwa ya ngono, na
Kuinga mimba.



“Kondomu
nitazipata
wapi?”

Nenda popote panapotolewa huduma za afya. Huhitaji maelezo ya daktari. Kliniki nyingine, au maeneo mengine ya umma kama maeneo ya kujisaidia huwekwa kondomu, na mtu anaruhusiwa kuchukua idadi anayohitaji.